


PAMFLET

689



Ge
a
b
e

Verhael

Vande Moort / ghedaen

aenden Persoone des Doorluchtighen Hoochghewoonten Fursten ende Heeren/ Heern Wilhelms byder gracen
 Godts/ Prince van Oraengien/ Graue van Nassau/ Carzenelnbogen/
 Vianden/ Dietz/ Lingen/ Bueren/ Leerdam/ etc. Marquiz vander
 Beere/ ende van Vlissinghen/ Heere ende Baron van Breda/
 Grimberghen/ Arlay/ Nozerop/ etc. Erff-Burch-
 Graef van Antwerpen / ende van
 Bezanson/

Hooch-loflijcker memorien.

In sijn leuen/ Gouverneur Generael/ van Brabant/ Hol-
 landt/ Zeelandt/ Frieslandt/ ende Utrecht/
 Admirael vander Zee.



TOT DELF,

By Melchrecht Hendricz. Drucker Ordinaris der Staten
 v'landts van Hollandt. Anno 1584.

20

Verhael
van de
Reise van de
Nederlandsche
Schepen
naar de
Indische
Oost-Indien

Van de
Reise van de
Nederlandsche
Schepen
naar de
Indische
Oost-Indien
in de
Jaaren
1701 en
1702

Van de
Reise van de
Nederlandsche
Schepen
naar de
Indische
Oost-Indien
in de
Jaaren
1701 en
1702



TOT DE
Nederlandsche
Oost-Indien



de
gr
ba
wa
de
wa
lie
da
en
en
lo
ni
he
be
w
gh
fel
he
co
ne
be

Een verhael
 Vande Moort / ghedaen aen den persoone
 vanden seer Doorluchtighen Prince
 van Orangien.



Et mach wel wesen dat veel personen /
 vande ghene die gheweest hebben op de
 plaetsen daer de moort heeft bedreue ghe-
 weest indē persoonē vandē seer Doorluch-
 tighen Prince van Orange / te rechte g'in-
 formeert zijn vanden aetheur / beleyders
 ende volbrēngers van een so seer deerlick
 seyt: ghelijck oock wel soude mogen ghe-
 beuren / dat de ghene die verre vande selue
 plaetse woonachtich sijn / ja dat meer is /
 dat die van dese landē / souden anders g'in-
 formeert zijn vande sake / dan wel waer-
 achtich is. En niet meerder reden so sou-
 den ons nacomers in perijckel zijn / van daer in te binden niet dan een
 groote dupsternisse / inde welcke de leughen meestendeel de staet grijpt
 van de waerheyt / ende het onwaerachtich van het waerachtich. Het is
 waerachtich dattet is een ghemeen spreekwoord / Dat de waerheyt is
 de dochter vanden tijdt: het welcke ick in veel andere saken bekenne
 waerachtich te zijn: maer in dusdanighe gheballen / door de welcke de
 lieden niet eeren ouervallen en verdruct worden / ghebeurt dickwils
 dat de ghedenckenisse van een eerlick ende vroom man verdruct wort /
 ende ter contrarie dat de boose mensche verheue wort tot hoogen staet /
 en grootelijck gheacht wort / oft onniers ten minste dattet seer langhe
 loopt / eer dat de waerheyt alle menschen soude mogen vooz ooghen co-
 men. Ick en laet my niet duncken dat men soude moghen het een ende
 het ander quaet beter beletten en beteren / dan deur een waerachtighe
 beschrijvinghe van de saken die gheschiedt zijn: de welcke niet en can
 wel ghedaen worden / dan door de ghene die daer teghenwoordich zijn
 gheweest / ende ghelijck aensieners van alle het ghene dat in alsulcken
 seypen gebeurt is. En hoe wel dat my niet onbekent en is / dat de waer-
 heyt van de gheschiedenissen den nacomers seer wel dient en te passe
 coemt / vooz de welcke alle vrome persoonē behooren sorghe te dragen /
 nochtans soo dunct my / dat een vegelick behoort sijn beste te doen / om
 behulpich te wesen de liede van sijnen tijdt / en sonderlinge den gheenen

die een loflicke en denckdelicke sake drijven: ghemerckt dat voer alle andere saecken meest van noode is teghenwoordichlick sorghe te dra- ghen voer het teghenwoordich goet/ende daer aen de handt te houden. Want aengaende het toecomende goet / wy en connen daer in niet die- nen/ dan door een voorzienighe wijsheyt/ van de welcke het eynde mee- stendeel onseker is: maer de teghenwoordighe effecten brenghende ghe- meyne sake een sekerder profijt by. Daer en rustschē so behoort als voer het tweede elck yroom man zijn beste te doe om den naecomers/ so seer als hem moghelick is/ nut en profijtelick te wesen. Ende om dese twee oorsaken/soo heeft my ghedocht nut ende goet te wesen / dit seyt datter ghebeurt is in het licht te brenghen: waer af de circumstantien veel men- schen/die binnen dese stadt van Delft zijn/wel bekend zijn/de welcke dit gheschijft lesende bekenen sullen de waerheyt van t'ghene dat sy ghe- hoort en ghesien hebben: En ghemerckt dat de waerheyt gheen lusten en wil nemen dan van haer seluen/soo sal oock dese beschrijvinghe licht en sonder eenich circaet zijn/en niet dan een naeck/nochtans waerach- tich verhael vande saken die ghebeurt zijn.

Gheheel Christenrijck mach ghedachtich wesen/ het moordadich seyt bedreuen aen den persoonen vanden seer Doorluchtighē Prince/ by Jaureguy ghebozen Biscapen/nu twee jaren gheledē/ oock is alle man bekend door de belijdinge vande medeplichters vande seluē Jaureguy dat dit voorstel was beleydt en ghedreue door den Coninck vā Spaignen / en zijn principaelste Officiers en Amptlieden / ten eynde dat hy/ niet connende ten eynde comen van sijn voornemen / teghen den seer Doorluchtighen Prince/by de ghewoonelijcke middelen die onder alle Dorsten ghebruyct worden/ versoeken soude daer toe te gherake door middelen die door tyrannen en moorders voortghekeert waren. Soo nu den seluen aenslach niet en was gheballen ghelijck hy wel begheer- de/soo en hebben hy en zijn toeghemaeckte persoonen gheensins opge- houden van te vervolghen henlieders voornemen/ proeuede den Prin- ce ter doot te brenghen/als nu door senijn/als dan metten sweerde: En hoe wel dat waerschiynich ghenoech is/ dat sy verscheyden aenslaghen voorghenomen hebben/ die niet en zijn ghecomen tot kennisse vanden Prince/ nochtans soo hebben hem sommighe claerlijck ontdeckt ghe- weest/en oock eenighe van dien allen menschen. Deerste wel merckes- lijcken aenslach was / die Sallado socht te volbrenghen of doen vol- brenghen ouer twee jaren binnen de stadt van Brugghe/ welckē Sal- lado daer toe ghehuert was van Alexander Farnese Prince van Par- ma: Maer alsoo desen aenslach ontdeckt heeft gheweest/ soo zijn oock de proceduren die daer wt ghevolcht zijn/ende het eynde vanden seluen Sallado een yegelijck ghenoech bekend/ soo dat daerom niet en is van noode langher daer mede besich te bliuen. Daer na icker gheweest een
ander

ander genoemt Peeter N. de welcke na dat hy veel landen doorloopen hadde/ en voorts door Greuelinghen ghepasseert hebbende/ waer dat hy met La-Morre/ Gouverneur van de selue plaetse/ vande lake ghesproken hebbende/ ten laetsten ghecomen zijnde binnen Antwerpen/ en wt eenich bemoeden ghevanghen zijnde/ bekent en gheleden heeft/ dat hy met den Coninck van Spaignien in persoone in eenen hof ghesproken en ghehandelt hadde/ ende met hem den coop ghesloten van te vermoorden desen seer Doozlichtigen Prince. Noch heeft nu onlancx een ander aenschach ontdeckt en ghestraft gheweest binnen Vlissingen. Oock heeft onlancx de Fransche Capiteyn Gott/ ghevangen zijnde in eenich seyt van oorloghe ontrent ter Neusen/ ghelept geweest voor de Burckgraue van Ghent/ nu ter tijdt ghenoeemt den Marckgraue van Roubaix/ de welcke nae veel dreyghementen/ ten laetsten den seluen Capiteyn heeft voor ghehouden/ dat hy hem soude laten los en vrij gaen/ ja seer wel doen vergheiden/ en versekerheyt gheuen vanden Prince van Parma/ so verre hy eenighen goeden dienst doen woude. Desen Capiteyn siende hem seluen in perijckel/ ten minsten van scherper ghevanghenisse/ door dien dat hy eertijts door swemmen wt henliedder handen gheraect was/ vzaechde hem/ wat dienst dat hy van hem soude begheeren/ en in dien hy de selue soude moghen doen/ dat hijt doen soude. De Marckgraue vzaechde hem/ oft hy niet en soude connen ouergheue de stercke van ter Neusen: Waer op hy hem antwoorde/ Neen: midts dat hy anders gheghebodt en hadde dan ouer een Wendel/ en datter meer ander in garnisoen laghen: te meer oock om dat hy soo veel gheloofs niet en hadde by zijn volck/ om henlieden te moghen brenghen om sulcx te doen/ want hy en woude niet ghelouen dat hy niet en mocht houden. De Marckgraue vzaechde hem/ oft hy hem niet en soude connen meester maken van een seker vollewerc/ daer hy hem soude moghen met ses-hondert manen bystant doen: want men hadde hem versekert dat hy niet so veel mannen hem seluen mocht meester maken vande plaetse. Waer op hem geantwoort wert/ dat hy niet en soude connen doen sulcx doen soude/ en dat hy in alsulcken sake niet en soude connen doen den dienst die men op hem begheerde. De Marckgraue heeft hem nae veel harde en straffe woorden voor dese reyse daer ghelaten. Op een ander tijdt heeft hy hem weder by hem doen comen en ghevzaecht/ aengestien dat hy alsulcken dienst niet doen en conde/ oft hy niet en soude moghen een ander doen op den persoon vanden Prince/ en of hy gheenen toeganck en hadde ten Houe? Hy antwoorde hem/ Jae gelijck alle Capiteynen daer willecomme waren/ maer dat hy daer sonderlinghe kennisse hadde/ en dat den Prince seer gheerne etende was een seker pottatie ghecoet met palinghen/ soo dat hy wel middel soude vinden om se nijn daer in te doen. Welck den Marckgraue verstaende/ heeft geleyt/

datmen daer af soude de wete doen aen den Prince van Parma / om in desen niet te bestaen dan niet zijn authoriteyt / en oock om van hem ver- sekertheit te hebben vande gheloften van vergheldinghe. En alsoo de selue Marckgraue binnen Ceclo was / soo heeft hy daer af gheschreuen aen den Prince van Parma die binnen Doornick was: Hy heeft ter- stont antwoorde ghehadte vanden seluen Prince van Parma / die hem liet weten / hoe dat hy den aenslach goet vont / en macht gaf om de ghe- loften te doen / maer datmen de voorsz Capiteyn niet en behoorde vry- te laten gaen / om gheen quaet bemoeden op hem te hebben / maer dat- men hem soude weder-seynden met eenighe verwe. Soo de Marckgra- ue dese brieuen ontfanghen hadde / wort hy hem ghedoten dat hy hem soude laten gaen voor een maent solts / en hem wert een trompette ghe- gheuen om hem te gheleypden / de welcke t'ghelt soude mede brenghen / ghelijck hy dede. Als nu dese Capiteyn weder ghecomen was / hy heeft alle d'ander Capiteynen metten Gouerneur vande stercke by een ver- gadert / en henlieden verclaert de ghelofte die hy ghedaen hadde: Niet langhe daer na is hy ghecomen by den seer Doornluchtigen Prince / en heeft hem mondelinghe verhaelt al t'ghene dat hier verclaert is / welke Capiteyn he naderhandt heeft al tijts seer ghetrouwelijck en vromelijck ghedragen / totter tijt dat hy inde voorszeden maent op de schans van Lil- lo beleghere zijnde / met ander Capiteynen ende Soldaten eenen wtval dede / ende nederghelept hebbende d' Italianen en Spaignaerts die de wacht hadden / weder-ghebrocht wort door sijn been geschoten zijnde / van welke quetsure hy naderhandt binnen Antwerpen ghestoruen is. Dit zijn de principaelste aenslagghen vande vianden / die tot merckelij- ke kennisse zijn ghecomen.

Die voorszeden vianden meynende dat sy niet anders ter werelt te doen en hadden dan met desen Prince alleen / al oft inde hemel gheenen Godt en ware / die ander persoonen souden moghen verwecken / ghe- lijck hy desen goeden en vromen Prince verweect hadde / en hebben niet opgheshouden van menigherhande manieren te bedencken / soo dat sy eyndelick hem hebben doen vermoordē op den tienden dach van Hopy- maent / van desen jare vijftienhondert vierentachtentich. Welck seyt aldus ghebeurt is.

Ontrent t'beghinzel vanden Mey / is een man / out zijnde ontrent sessentwintich oft seuenentwintich jaren / middelbaer coyt van persoo- ne / en s'lecht van ghedaente / ghecomen aenden persooone vande Prince / en heeft hem eenen brief ghegheuen. Den Prince vracchte hem van wien dat den brief quam. Hy antwoorde / dat zijn eyghen brief was / en dat hy hem wilde te kennen gheuen centgen grooten dienst voor het landt / ghelijck oock het inhouden vanden seluen brief onderteekent was Fransoys Guion. Des anderen-dach is hy ghecome aen eenen

Secreta

Secr
hebb
le Si
hem
de w
ghec
soud
nen
nae
clae
dese
hy
hy
dat
ban
de g
ban
zan
ma
dae
ber
wa
we
pui
dae
ber
tw
om
ba
no
fel
bli
nu
by
ba
ho
wi
wi
fel
K
de
ni

Secretaris/den welcken hy heeft gebeden om hem antwoorde te doen
hebben/en dat hy treffelycke saken hadde om te kennen te gheuen. De-
se Secretaris zijnde twee oft dreye daghen aldus aen-gheproken/sepde
hem/ dat hy mochte gaen aen een vande dienaers vanden huyse / door
de welcke hy antwoorde mocht hebben op sijn brieuen. Desen man is
ghecomen aen een vande dienaers/ seggende dat hy aen hem was ghe-
sonden om hem saken te kennen te gheuen / die grootelyck souden die-
nen tot voorderinghe vanden lande en Religie. Seker daghen daer
naer / hebbende mijn Heere den Prince het inhoudt vanden brief ver-
claert soo heeft hy beuolen datmen hem soude hoozen spreken/ ende by
desen middel heeft hy te kennen ghegheuen / sulcx als nu volcht: Dat
hy was ghenoemt Francois Guion/en ghebozen tot Bezanson/en dat
hy altyds hadde gheweest een goet hertich dienaer vanden Prince/om
dat hy was Burchgraue van Bezanson / ende de machtrichste Heere
van Hooch-Bourgoigne / dat hy oock altyds goede begheerte had-
de ghehadt om hem dienst te doen / maer sonderlinghe zedert de doode
van sijnen vader/die tot Lions ghebozen was/maer gehouwet tot Be-
zanson / waer dat nae den aenslach vanden Heere van Beauieu/Edel-
man vander Religie van het Hertochdom van Bourgoigne / die ghe-
daen wert op de stadt van Bezanson / sijn voorslepde vader door quaet
vermoeden ghevanghen hadde gheweest/mids dat hy vande Religie
was en ter doot ghebrocht wort/soo dat hy sedert den seluen tijdt/soo
wel om de schande die hy hadde wt oorsake vande selue doot / als oock
principalijck/om dat sijn conscientie hem dwonck te comen ter plaetse
daer men de Religie oeffende/groote begheerte hadde hem van daer te
vertrecken/om den Prince te dienen / en dat hy tot dier meyninge ouer
twee jaren van daer vertrocken was met een goet peert en wapenen /
om hier te lande in dienst te comen. Maer soo hy reysde door het landt
van Luxemborch / soo woude hy besoecken een van sijn Cosijns/ ghe-
noemt du Pre/de welcke Secretaris was van Graue Peeter van Mans-
felt. Desen Cosijn heeft hem gheraden dat hy wat tijds soude by hem
blijuen/want hy selue hem vast berade/om oock van daer te vertreckē/
mids dat hy daer woonde teghen sijn conscientie/dwelck hē daer dede
by hem blijuen / en hoe-wel dat hy dickwils van wille hadde gheweest
van te vertrecken/soo hadde hem nochtā altycs eentch lesel daer ghe-
houden: Niettemin Daelschen nu laetledē hadde hem Godt met ghe-
welt ghedwonghen van daer te vertrecken/ende dat wt oorsake datter
was een Priester van Brussel in thof vande selue Graue van Mans-
felt/ die seer hart en straf was teghen de ghene die suspect waren vande
Religie / de welcke in henlieder camers quam om te besien wat sy de-
de/soo dat hy en sijn Cosijn dickwils lust hadden ghehadt/om hem ee-
nich quaet spel te spelen/die desen Daelschē laetledē henlieden dreych-
de aen

de aen te brengen / soo verre als sy niet en quamen te biechten / en toe
henlieder Sacrament / d'welcke d'oorſake was dat de selue / die hem
Guton noemde / reysde tot Triere om thoochtijdt daer te bliuen / maer
van daer weder ghekeert zijnde / soo heeft hem den voorsayden Priester
ghebraecht / waer hy hoochtijt ghehoudē hadde / waer op hy antwoor
de binnen Triere / inde Kercke bande Jesuiten / en dat de principaelste
van henlieden hem het Sacrament ghegeuen hadde / maer so tot allen
ongheluck de voorsayde Jesuit tot Luxemborch ghecomen was / den
Priester heeft hem ghebraecht / of hy de selue die hem Guton noemt het
Sacrament wtgherepet hadde / de welcke antwoorde / Neen / waerom
dat de selue Priester / wetende dat den voorsayden Guton op een huys
was gheheeten Fontaine met den Graue van Mansfelt / ghelegghen by
Luxemborch / welck huys den selue Graue toebehoort / (die daer dick
wils gaet / om dat hy daer doet bouwen) is daer by hē gecomē / en heeft
hem willen vangen / maer hy verweerde hem / en gaf den Priester eenen
stake met een dagge oft rapiere / soo dat hy alsoo ontquam / ende binnen
Triere ghecomen zijnde / hy ontboot sijne Colijn dat hy hem wilde zijn
peert seyn den / en wat ghelst / niettemin siende dat hy te langhe toefde /
oock vreesende dat hy soude moghen ghemelt worden / van dat hy de
reys aenghenomen hadde na den Prince / om hem dienst te doen / ende
dat hy goet middel hadde om dat te doen / en sulcx segghende / soo heeft
hy wt sijn mouwe ghetrocken een paxken vol vliegende zeghels van
den voorsayden Graue van Mansfelt / segghende / dat hy den seluen ze
ghel dickwils in sijn ghewelt hadde gehad / als wesende den principa
len Clerck vanden voorsz du Pre / en dat hy door de selfde dē soetelaers
en ander die ghedient hadden veel passepoorten ghemaect hadde / dat
men oock door middel van dese signetten en zeghels wat goets soude
moghen volbrengen. Dit verhael aen den Prince ouerghebracht zyn
de / hy beval datmen hem soude braghen / waer toe dat sulcx soude mo
ghen dienen. Hy antwoorde / datmen soude moghen eenigen aenflach
maken op een stadt / oft ten minsten indien de stede van Luxemborch te
verre ghelegen waren / datse de bespieders en ander die door t'lant troe
ken dienen souden. Het welcke den Prince wedergheseydt sijnde / heeft
voor antwoorde ghegeuen / datter gheē middel en was om door sulche
middelen eenighen aenflach te maken / maer datmen niet sommighe
souden moghen behelpē / om den boden die gaende en comende waren
van Brussel tot Canterijck / en dat hy eenighe daer laten soude om tot
Brussel te seyn den / en aengaende de reste / raedt ghenomen hebbende
met den Heere van Prumeaux / als doe Ambassaet voor mijn Heere van
Anjou / saligher ghedachten / soo vondt hy goet / soo die ghelegghentheyt
voor handen was / dat den Heere Caron / Heere van Schoonewal / naer
Oranckrijck reysende / hem soude niet hem nemen / om te weten of de
Heere

Heere van Ziron / die men seydte dat op dien tijdt soude Gouverneur
zijn van Camerijck hem soude mogen behelpen niet dese zeghels vooz
passespoorts/ en soo den seluen Heere van Schoonewal oorlof nam/ hem
wozt vanden Prince belast dat hy hem soude mede nemen/ welcke ach-
tervolghende hy ghereyft is in Brancckrijck: en daer zijnde/ soo hy heeft
brieuen herwaerts ouer gheschreyt/ by de welke hy liet weten dat men
hem ghelooft hadde seer haest te doen sien den Heere van Beauieu / de
welckeijnen vader wel kennen soude / als ghestoruen zijnde inijnen
dienst/ ende dat hy hope hadde dooz desen middel eenighe eerlijcke con-
ditiën te binden.

Onlangs daer naer heeft hy brieuen gebrocht/ soo wel aen de voorsz
Prince/ als aen de Staten/ de welke mentie maecten vande doot van
sijn Alteze. Als den Prince sijn brieuen gelesen hadde/ hy heeft den sel-
uen Guion in sijn camer doen comen/ soo hy noch op sijn bedde lach/
om hem particulariteyt te vragen vande doot van sijn Alteze: en heeft
de selfde Guion naerderhandt bekent/ ghevanghen zijnde / hoe dat hy
als doen soude den Prince op sijn bedde vermoort hebben/ waert dat hy
sijn dagge by hem ghehadt hadde. Daer naer heeft den selfsten Guion/
gaende inde Predicatie en Ruont-ghebeden/ alrijts inde handt dragen-
de een Psalm-boeckken/ oft eenich boeck vande Religie / ende leenende
vanden Doortier den Bybel / hem seluen inde kennisse ghebrocht van
sonnitghe vanden huyse/ onder het decksel vande Religie. Ende alsoo
hem gheseyt wort/ dat hy aldaer niet meer te doen en hadde/ en dat hy
hem soude vertrecken/ soo eyschte hy wat ghelts/ toogende dat hy noch
schoens noch coussens en hadde die dochter: waer dooz dat den Prince/
volghende het aduijs dat hem ghegheuen was/ als datmen hem soude
wederomme wech seynde/ beval dat een vande Secretarissen soude be-
neerstigen/ datmen hem eenich ghelt gaue om wederomme te seynen.
Dwelcke den seluen Secretaris beschickte / en dede hem leueren sijn
beuel en last/ en heeft op dien Sondach den achtste dach vander maene
sijn ghelt ontfanghen. Des anderen-dach/ alsoo hy sedert heeft be-
kent/ soo cochte hy van twee soldaten vander wacht twee sinckroeren/
jae hy creech woorden tegen een vande selfste soldaten/ om dat hy hem
ghebettert oft teerlinck loot wepgherde te maken.

Op den thienden dach wachte hy dat den Prince / saligher gedach-
ten/ af quam om te gaen eten/ en commende by den seluen Prince/ heeft
hem een passespoort gheepst/ d'welcke hy was eyschende (gelijck mijn
Vrouwe de Princesse seer wel merckte) niet een beuende stemme en
verbaest zijnde/ in voegen dat de selfste Vrouwe mijnen Heere de Prin-
ce vraechde/ wie dat hy was / ende dat hy een seer quaet ghelaet hadde/
waer op dat den Prince antwoorde / dat hy sijn afscheydt begheerde/
dwelck hem soude ghemaect worden. Teghen het eynde vander mael

tijdt sachmen hem wandelen ontrent de stallingen/die achter dat hups
 staen/ streckende naer de wallen vander stadt / en staende aen de deure
 vande sale daer den Prince gheten hadde/ soo hy soude wtcomen/ is hy
 by den Prince ghecomen / en de maniere makende van zijn passpoort
 te eyschen/ heeft hem niet een sinckroer doorschoten. Den Prince ghe-
 boelende dat hy ghetreft was / en seyde anders niet dan dese woorden:
 Heere Godt vveest mijn siele ghenadich, ick ben seer gequetst, Heere Gode
 vveest mijn siele, ende dit arme volck ghenadich : dese woorden ghespro-
 ken hebbende / soo begonst hy te supselen/ maer sijn schilcknecht heeft
 hem vast ghehouden / en wert ten laetsten op de trappen neder gheset/
 waer dat hy niet meer en sprack / dan soo mijn Vrouwe de Grauinne
 vā Swertzenborch sijn suster in Hoochduyts vbraechde/ Oft hy sijn sie-
 le niet en stelde inde handen Christi Jesu / soo antwoorde hy inde selue
 tale/ Jae/ en en heeft noyt meer ghesproken. Coorts daer naer werdt hy
 op een bedde ghedraghen inde sale daer hy gh'eten hadde/waer dat hy
 niet langhe daer na sijnen salighen gheest ghaf. Sulcx heeft het eynde
 gheweest vanden wijsten/ ghestadichsten/ grootmoedichsten/ ghedul-
 dichsten/manierlijckste/ oprechtsten/waerachtichsten en rechtebeerdich-
 sten Prince van sijnen tijdt. Den moorder die sijn saken wel meynde
 beschickt te hebben/socht te ontcomen lanck de achter-plaetse/en heeft
 in t'wech-loopen sijn ander sinckroer laten vallen/ende was alreede de
 stallingē ghepasseert / jae verre inde strate by de besten/dat soo hy ouer-
 eenich stroom passeerde neder gevallen is/en nochtans weder op gestaen
 en op de wallen gheclommen/ meynende also inde stadvesten te sprin-
 ghen die vol waters zijn/ Maer hy werdt vast ghehouden van twee
 van des Princen dienaers/ by de welke noch ander gecomen zijn. Hy
 was int eerste seer verbaest en verschrickt/ Maer inde stallinghen ghe-
 brocht sijnde/ en siende datmen hem bewaren wilde / jae datmē niet en
 sprack van hem doot te slaen/hy maecte d'onverbaelde/ Ende soo een-
 vande dienaers hem seyde/ghy zijt eenen snooden schelm/Hy seyde/ick
 en ben gheenen schelm / want ick hebbe ghedaen t'ghene dat my den
 Coninck belast heeft: Wat Coninck seyde de dienaer? De Coninc van
 Spaignien mijnē meester/antwoorde hy. Maer soo hy doen in t'hups
 ghebrocht wort/incomende door die deure daer hy wt ghecomen was/
 ende aensiende de selfste poorte/oft deure : Och poorte/poorte/seyde hy/
 ghy hebt my bedrogghen/ick sien wel dat ick een doot man ben/en wert
 op de staende voet ghebrocht in t'hups vande Concierge. Als nu die
 vander Wet daer ghecomē waren / men heeftten terstont ondervraecht
 en gheexamineert/maer hy eyschte papier en inck/ gelouende na dien
 hy een ghevanghen man was / dat hy de geheele waerheyt soude ver-
 claren/dwelcke hy nochtans niet en dede/ want hy menighde veel leu-
 ghenen onder sommighe saken die waerachtich waren.

Hy ghe

Hy ghetuychde dat hy ghenoeint was Baltazar Gheeraerts van
 Willefans in Bourgoigne/ en dat hy liet weten/ hoe dat hy ouer ses ja-
 ren geleden/ jaer ten tijde dat de Pacificatie van Ghent ghebrokē was/
 den wille hadde ghehadte vanden Prince te dooden en vermoorden / en
 bewijsde dat hy de selue meyninghe hadde doen hy binnen Dole was/
 ten huyse van Jan Villauz/ ontrent ses jaren gheledē/ midts dat hy een
 bloote dagge in sijn handt hebbende / de selfde wt alle sijn macht in een
 deure stack/ segghende: Dat hy wel woude dat den stekē geweest ware
 in therte vanden Prince van Orangien / waer af dat hy berispt worde
 van een die genoemt was Jan Willemis Ponthier vā Virret in Bour-
 goignen/ de welcke hem seyde/ dat hem niet toe en behoorde de Princen
 te vermoorden. Voorts soo hy binnen dnye jaren herwaerts verstaen
 hadde/ hoe dat den Coninck van Spaignien bonnisse ghegheuen had-
 de teghen den seluen Prince van hem te dooden/ waer dat hy ware /
 dat hy wt Bourgoignen vercrocken was / ende herwaerts ouer ghe-
 comen/ niet meyninghe om t selfde bonnisse nietter daedt te volbringē/
 d'welcke was inde maent van Sprockelle vanden jare 1582. Maer
 soo hy binnen de stadt van Luxemborch inde maent van Maerte ghe-
 comen was/ soo hoorde hy daer segghen dat een seker Biscaper dē self-
 den Prince vermoort hadde/ waeromme dat hy hem inden dienst stelde
 van een die genoemt was Jan du Pré/ Secretaris vanden Graue van
 Mansfelt/ Gouverneur van Luxemborch: Maer naemaels verstaen-
 de dat den voorsz Prince niet en hadde vermoort geweest/ hy nam voorsz
 hem/ watter hem oock af comen mocht / sijn voorszeyt boornemē te vol-
 bringhen/ hopende dat hy den bequame tijdt soude waernemē om dies
 te doen/ als den Graue van Mansfelt soude indē leggher wesen/ ontrent
 eenige plaetse daer den Prince waer/ ende dat hy heymelijck soude van
 hem gaen/ hem beynsende dat hy van des Princē Religie waer/ en dat
 hy sommighe vliegende zeggels soude presenteren gedruet in root was
 mettet signet vandē seluen Graue/ en hadde hope dat hy eenen toeganc
 soude vindē int Hof vandē seluen Prince/ om alst tijt en stont soude ghe-
 uē/ sijn boornemē te werck te stellen en te volbrengen aenden persoone
 vanden Prince/ niet het minste perijckel dat hem mogelijk waer. Vol-
 ghende dan sijn verondert boornemen (dat zijn sijn eyghen woordē) soo
 heeft hy ouer jaer in Wedemaent oorlof verlocht aen den voorszeydē du
 Pré/ die binnen Diest was / om dat hy gheen schijnsel en sacht van be-
 quamelijcker te mogen gherakē by den voorsz Prince: om dat de voorsz
 van Mansfelt wederom keerde na Luxemborch: niettemin so de voorsz
 seyde du Pré sijn meester en Cosijn ernstelijck op hem verlocht/ dat hy
 hem soude volghen/ hopende (alsoo de selue du Pré hem wijs maecte)
 dat den Graue coorts soude wedercomen inden leggher / jaer binnen een
 maent/ en siende dat hy de sake wistelde / hy dacht eenigen twist teghen
 23 ij sijn voorsz

zijn voorszeyde meester te nemen / om van hem te moghen schiepen /
nichts dat hy alreys tot zijn voornemen ghedreuen wordt / maer hy en
conde gheen oorlof crighen. Dat hy oock naderhandt ghesocht hadde
wt Luxemborch te verrecken / omlijnen aenclach te comen verolgen /
maer dat aldoen lijn voorszeyde meester bebont / dat hem wt lijn kiste
vier hondert vijftich croonen gestolen waren / en dat hy (op datmen op
hem gheen quact vermoeden en soude hebben van dese diefte) daerom
noch was ghebleuen inden voorszeyde dienst / niettemin soo r'selue ghele
weder ghevonden was / hy socht alle middelen om hy den voorszeyden
Prince te gheraken : soo op dien tijdt de Walsche vendelen die binnen
Luxemborch laghen / in Nederlandt ontboden waren : Maer hy werde
weder belet door de siechte vanden voorszeyde nu Pré / de welke geduer-
de acht daghen voorszeyde kerstinne / ende was veertien daghen daer nae ont
weder tot hemselfen te comen. Ten laetsten heeft hy in Maerte laest-
leden van lijn voorszeyde meester oorlof genomen / en eer hy herwaerts
ouer quam / is hy ghereyst tot Triere / waer dat hy in biechte verclaerde
aen eenen Jesuit die hem hielt in t' Collegie vande Jesuiten tot Triere /
alle zijn opstel en voornemen / en toonde hem de voorszeyde zeghels / hem
biddende dat hy sulcx soude secreteet houdē tot Paellchen / en aldan r'sel-
ue te kennen gheuen den voorszeyde Graue van Mansfelt. Dat hy oock /
volghende den raedt vanden seluen Jesuit / lijn voornemen heeft te
kennen ghegheuen den Prince van Parma / en dat door eenen brief die
hy ordineerde binnen Doornick / de welke hy selue heeft gepresenteert
aen den seluen Prince / maer dat hy op de selue gheeft antwoorde en dofs-
de verwachten / byesende dat hy seer qualijck nemen soude het ouerdrā-
ghen vande voorszeyde vliegghende zeghels / en is alsoo gecomen binnen
dese Stadt van Delft / waer dat hy heeft gheleuert de ghedruchte zeghels
vande voorszeyde Graue / d'welcke hy gedaen heeft / op hope van te bin-
den bequamen tijdt om lijnen aenclach te volboeren. Soo veel iller af /
datter gheraden wort dat hy soude met den Heere Caron trecken nae
Oranckrijck / en vande selue zeghels gheuen den Maerschalck van Bi-
ron / en ander die de partije hielden van wijlen mijn Heere den Hertogs
van Anjou : maer soo den seluen Hertoghe ouerleden was / soo wert hy
tot lijn eyghen versoek weder gesonden herwaerts ouer / byenien byen-
ghende vanden voorszeyden Heere Caron / soo wel voorszeyden Prince / als
voorszeyden Staten / hy de welke hy de wete creghē vande doot van sijnder
Alteze / en heeft van dien tijdt voorts alle middelen bedacht / om lijnen
aenclach te volbrēghen / maer soo hy gheen bequamer en vande / dan
van hem te doorschieten / oft als hy soude na de Predicarie gaen / ofte als
hy beneden soude comen eten / oft als hy na den eten soude wt comē / soo
hadde hy des daechs te vooren twee sinck-roeren ghecocht / en heeft hec-
ken gheladen met d'pe clooten / ende d'ander met twee / waer af dat hy
r'ghens

t'ghene dat met dy gheladen was/ op dien dach gheloffet heeft op de
borst vanden voorszeyden Prince / midts de weire die de Hellebardiers
ghedaen hadden/ en hadde hy het tweede niet mogen afschieten/ dwelc
hem seer verdrietelijck ende leet was/ versekerende dat hy aldien hy te
ghenwoordichlijck waer dupsent mijsen van hier / dat hy soude her
waerts ouer wederkeeren / om te veruolghen de doot vanden seluen
Prince. Dese saken worden ghetuycht ende gheschreuen by den seluen
Gheeraert / inde Camer vanden Concierge / ende ouer hem worden
gheuondē twee blasen die wat opgeblasen waren met een piypken/ om
de selue voorts op te blasen/ hopende door middel van dien te gheraken
ouer de vesten vander stadt. Daer en bouē hadde hy veel meer propoo
sten/ streckende tot dien eynde/ dat al hadde den seluen Prince bijstich
dupsent crijchlieden ontrent hem ghehadt/ soo verre als hy hadde mo
ghen ontrent hem comen/ dat hy t' seyt soude ghedaen hebben/ ia noch
doen soude/ want hem seer leet was dat hy niet doot en was/ (ghelijck
men hem wijs maerte) en gheuraecht hebbende oft hy gequetst was/
so hy verstont iae/ hy boechde daer by/ dat hy seer blijde was/ ende dat
hy de doot niet en soude moghen ontgaen. Daer na wesende inde ghe
uanchemisse/ heeft hy op verscheypden reysen bekent/ ende tot inde doot
daer by ghebleuen/ t' gene dat hier na volcht.

Ten eersten heeft hy/ bouen t'ghene dat hier vozen gheschreuen is/
ongepijnicht verclaert/ dat hy woumisse van hy eenich middel dē Prin
ce voorszeyt te moghen dooden / niet en hadde ghesien dan binnen vijf
maenden herwaerts/ maer wel dat hy hadde hoozen segghen/ hoe dat
in Nederlant van te vozen openbaerlijck was wtgheroepen. Hy seyde
dat hy inde maent van Mepe laetleden hier niet meer dan acht dagen
en was / ende dat hy binnen den seluen tijde den voorszeyden aenclach
soude volvoert hebben/ hadde hy bequamen tijt gehad/ ende eenighe
hope oft middel ghesien van te moghen ontcomen. Dat hy na de doot
vanden Hertoghe van Anjou zinnen dienst geboden hadde om de brie
uen te draegen vanden voorszeyden Heere van Caron/ ten eynde dat hy
soude moghen herwaerts ouer comen/ om zyn seyt te volcomen: Dat
hy oock noyt zyn seyt en hadde te kennen ghegheuen den seluen Heere
Caron/ want hy zyn oprecht ende goet herte veel te wel kende/ ende dat
hy in dic landt niet geen mensche ter werelt van synen aenclach gespro
ken en hadde: Dat hy des daechs te vozen den wille hadde gehad om
den seluen aenclach te volbrēngē/ recht op den noen/ maer siende datter
niet moghelijck en was te ontcomen/ soo en hadde hy sulcx niet deruen
bestaen/ maer dat hy op desen dach/ niet willende langer toeuē/ had
de vast vooz hem genomen dat te doen/ wat perijckel datter ooc mocht
wesen/ iae al hadde den Prince omringhelt gheweest van bijstich dup
sent mannen/ dat hijt soude ghedaen hebben/ ende dat hem leet is/ dat
25. iij. hy mijn.

hy mijn Heere de Prince niet en heeft ter doot ghebrocht/maer dat hem
niet leet en was/ t'selfste bestaen te hebben/tae al waer hy ouer dupsent
mijlen/dat hy niet en soude vertoeuen van te passeren gheberchten/ri-
uieren/ ende alle swaricheden van wegen om sulcx te volbringen/maer
aengaende de Jesuit van Criere/ hy seyde als vozen. Daer en bouen/
sprekende tot d'een ende d'ander/ soo seyde hy: Dat hy in Oranckrijck
zijnde/noch dach/noch nacht gheslapen en conde/ soo seer wert hy ghe-
quelt vande begheerte van zynen aenclach te volboeren / tae op dat hy
soude moghen weder gesonden worden/ soo heeft hy twist ghelocht/ en
ghebochten teghen de dienaers/ ende in dien hy op dese reple geen mid-
del en hadde ghehad om te volbringen/ hy soude weder gekeert heb-
ben in Oranckrijck/ ende hem ghevoecht hebben by eenich gemeynte
vande Religie/waer dat hy hem in sulcker manieren soude ghedragen
hebben / dat hy eenen toeganck soude ghehad hebben by die vander
Consistorie/ ende dat hy soo veel soude ghedaen hebben/ dat hy soude
vercreghen hebben byenen van recommandatien/om weder te comen
herwaerts ouer/ ende by desen middel eenen toeganck te hebben/om
zinen aenclach te lichtelijcker moghen volbringen. So hy ter banck
hadde gheweest/ ende oock eer hy op de banck quam/ soo bekende hy/
dat hy zijn seyt te kennen ghegeuen hadde binnen Doornick/dē Doc-
toor inder Godtheydt/ broeder Gery de Minnebroder/ ende dat inde
maent van Meert laetleden/ by d'welcke nae dat hy ghepijnt was/
hy oock ghebleuen is: So hy nu wederom ghepijnt wert/hy seyde/
soo hy een arm gheselle was/ ende soecken te eenich goet te vercrijgen/
hy gaf den Prince van Parma de sake te kennen/ de welcke den Raet-
heere van Monleuille heeft gheordonneert / om met hem op dit seyt
breeder te spreken / dese na dat hy hem hadde verhaelt de perijckelen
die daer in ghelegen waren/heeft hem gheseyt/ dat hy den Coninc van
Spaignien soude eenen grooten dienst doen / maer indien hy achter-
haelt waer/ dat hy dē Prince van Parma niet en soude willē bedragen/
en op de swaricheden vanden toeganck in t'hof vanden Prince/ die de sel-
ue van Monleuille hem voorhtelt/ soude hy geantwoort hebbē/ dat hy
hem seluen soude noemē Fransoys Guion/ de sone vā eenē Peeter Gu-
ion/ borger vā Bezanson/ die hier voortijts ter doot ghebrocht wert om
de Religie/ met confiscatie van zijn goeden/en dat hy als een arm ghe-
selle/en luttel goets hebbende/ooc seer goet hert dragēde tot de gerefor-
meerde Religie/soude ouertrecken in Holland/en gaen in t'hof vanden
voorsepden Prince/waer dat hy de voorsepde seghels soude presenteren/
om hem seluen aengenaem te maken. Welcke de selue vā Monleuille
seer goet vout/ die hem vernemende dat hy zijn voornemen soude vol-
bringen/hem biddende/als voorsept is/ dat hy den Prince van Parma
niet en soude bedragen/en dat den seluē Prince niet en soude nut wesen/
dat

dat hy hem soude mellē. Des anderen daechs heeft hy sonder pſnighen
bekent/ bouen des voorszeyt is/ dat hy sdaechs te vooren was comen
ſien/ oft ſijn Excellentie beneden was ghecomen om te eten/ ende ſiende
dat hy ouer maeltijt was/ ſoo heeft hy in ſijn herberghe ghegaen om
ſijn twee roers te laden/ die hy hadde hanghende aen ſijnen rieme/ op
de ſlincker ſyde/ latende ſijnen mantel hanghen op de rechte ſyde/ om
datmen ſoude min achterdenckens hebbē: Noch ſeyde hy voorts/ hoe
de voorsz van Alſonleville/ nae dat hy met hem bande ſake gheſproken
hadde/ hem gheloeft de ſake te verclaren aen den Prince van Parma/
d'welcke ghedaen hebbende/ hy hem verclaerde dat den ſeluen Prince
van Parma de ſake goet bont/ ende in dien hy dat volboerde/ dat hy
ghenieten ſoude den loon die in t'voorszeyde bonniſſe begrepen was.
Daer en bouen/ dat de ſelue van Alſonleville hem noch voorszeyt eeni-
ghe ſwaericheden/ en ſiende dat hy ſoo leer daer toe ghenioet was/ heeft
hem gheſeyt: Gaet henen mijn ſone/ iſt dat ghy dit ſeyt volbringt/ den
Coninck ſal v houden al t'ghene dat hy gheloeft heeft/ ende ghy ſult
eenen ewighen naem hebben/ waer op de ſelue Gheeraert ſeyde/ dat
hy hoopte hem ſeluen ſoo wel te beynſen vander Religie te weſen/ dat
hy ſoude moghen comen inden dienſt van eenich Secretaris/ ende by
ſulcken middel bequamen tijdt te hebben/ van te preſenteren eenighe
brieuen om te onderteckenē/ ende dat hy als dan in het teeckenē ſou-
de den Prince niet een dagge doorſteken. Nae dat hy ghepijnliche
was/ ſoo ſeyde hy noch/ dat hem niet leet en was/ dat hy de ſake op den
perſoone van ſijn Excellentie beſtaen hadde/ ende in dien dat noch te
doen ware/ dat hy niet laten en ſoude dat te doen/ al ſoudet hem coſten
duyſent lijen. Op den dertienſten dach bekende hy/ bouen dat voorsz-
ſeyt is/ dat de voorszeyde van Alſonleville hem gheloeft hadde/ dat den
Prince van Parma hem ſoude behulpich zyn/ dat den Coninck van
Spaignien hem ſoude houden t'ghene datter gheloeft was by t'bon-
niſſe/ ende dat hy t'ſelue ſeyt beſtaen hadde om rijck te weſen: Dat oock
de ſelue van Alſonleville den ſeluen Prince van Parma ghetoont had-
de de voorszeyde zeghels/ die hy hem weder gaf/ leggende dat den Prince
van Parma te vreden was/ dat hy die ſoude gebuyckē/ maer dat ghe-
ſloten wert/ dat voortaen de zeghels bandē Graue van Mansfelt niet
meer en ſouden ruyt-wijs gheſneden worden/ ende dat hy ſijnen zeghel
ſoude veranderen/ op dat ſijn bliegghende zeghels ſouden onnut weſen/
ende heeft de ſelue van Alſonleville hem gherade/ dat hy comende bin-
nen Antwerpen/ ſoo verre hy gheleypdt ware voorsz de Heere van S. Al-
degonde/ de ſelue zeghels hem ſoude tooghen/ dat hy oock comende in
eenighe ſtadt zyn zeghels alrijds erghens berchde/ die hy naderhande
ginck halen. Dat den voorszeyde broeder Gery/ ſijn voornemē gehoort
hebbende/ hem heeft gheſeyt: Mengheſien dat hy voorsz hem ghenomen
hadde.

hadde t'boorſepde ſept te volboeren/ dat hiſt doen ſoude/ ende heeft hem
ſijnen zegghen ghegeuen/ en gheloeft dat hy Godt voor hem ſoude bid-
den/ dat oock den Jeſuit van Triere hem dieſghelijcx gheloeft hadde/
ſegghende: dat hy ſoude geſtelt worden in t'ghetal vande Martelaers/
in dien hy om deſen aenſlach ſtozne: dat hy den naem vanden ſelue Je-
ſuit niet en wiſt/ dan dat hy Regent was vande Collegie/ ros van ver-
we/ ende dat den ſeluen Jeſuit van die ſept gheſproken hadde met d'ye
ander perſoonen van ſijn Collegie. Volghende de boorſepde belijding-
ghen/ by de welcke hy heeft ghebleuen tot inde doot/ wert hy geordecelt
ende verwelen/ nae inhouden vanden vonniſſe hier onder gheſchreuen.

Soodanich heeft het eynde gheweelt vanden ſeer Doorluchtighen
Prince van Ozaignien/ op d'welcke wy nuer tijdt gheen verhael en
ſullen maken/ midts dat wy voor ons ghenomen hebben/ niet anders
dan waerachtich voor ooghen te legghen/ de omgheleghentheden van
t'ſept dat in ſijnen perſoone ghebeurt is/ ander ſullen verſchepdelijck
daer af ſpreken/ een yeghelijck nae ſijn gheſintheit/ eenighe oock met
wetenschap/ ende ander met onwetenschap. Soo veel als ons belangt/
ten is niet van noode dat wy beſich bliuen/ dan met de verhalen die
ghefondert zijn op het woort Godts/ met d'welcke wy moete ons pro-
ſijt doen voor ons leuen. Soo ſept dan t'woort Godts int elſte Ca-
pittel vanden brief totten Hebreen:

Maer vvat ſalick noch ſegghen? den tijdt ſal my ghebreken, iſt dat ick
vvil verhalen van Gedeon, van Barach, van Sampſon, van Iephte, van Da-
uid, van Samuel ende vande Propheten, die door t'ghelooue den Coninc-
rijcken verwonnen hebben, gherechticheit ghewrocht hebben, de ghelof-
ten vercreghen hebben, ende de monden vande Leeuwen gheſtopt hebben,
t'ghewelt vanden vyere ghebluſt hebben, t'ſcherp vanden ſweerde ontgaen
hebben, van ſiecken ghenelen ſijn, vroom ghevorden ſijn inden ſtrijdt,
ende de leghers vanden vremdelinghen verdreuen hebben: De Vrouwen
hebben henlieder dooden ontfanghen door de verrijſeniffe, maer ſommi-
ghe hebben belet ghevveelt, midts datſe gheen vverck en maecten van ver-
loſt te vveſen, om dat ſy een beter verrijſeniffe ſouden vercrijghen. Andere
hebben verſocht ende gheproeft ghevveelt door ſpottinghen ende ſlaghen,
daer en bouen oock met banden ende vangheniſſen. Sy hebben gheſteent
ghevveelt, gheſaecht ghevveelt, ghequelt ghevveelt, metten ſveerde tot
doot ghebrocht ghevveelt, hervvaerts ende dervvaerts ghereyft, ghecleedt
met vellen van ſchape ende gheyten, aermoede lijdende, benaut ende ver-
druet, de vvelcke de vverelt niet vveerdich en vvas, doolende in vvoeſtij-
nen, in gheberchten, in duvvieren ende holen vander aerde.

Elapas ſept oock int 57. Capittel: De rechtveerdighe is vergaen, ende
daer en is niemant die in ſijn herte daer op peyſt, en de goedertieren man-
nen hebben eynde ghenomen, om datter niemant en is die daer toe ver-
ſtaet:

staet : vvant die rechtveerdighe sijn vvech ghenomen vvt het quaet, om dat sy soudē comen in vrede, ende rusten in haerlieder slaepcamer, ende voor hem vvandelen.

Op sulcke ende dierghelijcke passagien moetē wy ons verhael maken / dat niet alleen nu ter tijdt / maer dat tot allen tijden sulcx heeft gheweest t'leuen vande heylighe mannen / die hen ghestelt hebben teghen de tyrannen ende vervolghers vander Kercken / ende henlieder doot heeft meestendeel ghecroont gheweest met Martelaerschap : welcke doot der Kercken heeft profijtelijcker gheweest / dan daer te voozen henlieder leuen gheweest hadde / doo? dat Godt alle saken alsoo schickte tot sijnder eere ende glorie.

En twreden / dat niet en zijn de dootē die vander werelt ghelchepden zijn vol van ghelooue / leedtwesen ende hope / doo? een soo heerlijcken doot / als is het heyligh Martelaerschap. die wy behooren te betweenen ende beclaghen / maer dat wy behooren ons seluen te betweenen / om dat sy van dese allendighe werelt ghelchepden zijn / die soo grooten schat niet weerdich en was / de welcke ons is wt onsen ooghen wech ghenomen / om ghestelt te worden in vrede / ende verre wt den quaden. Dat onsen goeden ende goedertieren Prince ons verwacht / ende is daer en rustschen ghelegghen in sijn ruste / ende wandelende voo? den ewighen Godt : ende aenghesien dat wy doo? clare ghetuyghenisse ons het quaet bereydt sijn / laet ons leeren doo? den woorde Gods / datter maer eenen middel en is / om t' selue te beletten of te voo?comen / dat is doo? weenen / vasten / ende waerachtich berouwe van ons quaet leuen / met hope : d'welcke doende / Godt sal sijn gramschap van ons keeren / ende alsoo ghewapent zijnde (ghelijck den seluen Apostel seyt) aengesien dat wy omringhet zijn van soo grooten wolcke van ghetuyghen / laet ons wech nemen alle last / ende de sonde die ons soo lichtelijck besvangt / ende laet ons volstandich vervolgen den loop die ons voo? ghehouden is / merck nemende op Iesus / t'hoofd ende volbringer vanden ghelooue / de welcke in stede vande blijfchap die hy in de handt hadde / gheleden heeft de pijnē vanden cruyce / de schande niet achtende / ende is gheseten aen de rechterhandt Gods. Daerom laet ons neerstich aenmercken / den ghenen die alsulcken weder-segghinghe der sondaren tegen hem heeft gheleden / op dat wy ons seluen niet en sien verliesen / ons hert ende moet.

C

Coppe

Coppe van het vonnisse / ghegheuen teghen Baltazar Gheeraerts.

Alsoo Baltazar Gheeraerts / ghebozen van Villesans in
t Graefschappe van Bourgoignen / onder het ghebiet des
Coninck van Spaignien / teghenwoordich ghevangen be-
kent heeft: Dat hy voorsz. ghebozen omme te bren-
ghen den persoon vanden Doozluchtighen / Hoochghebo-
ren Forst ende Heere / den Prince van Oranien / Graue
van Nassouwe / etc. ontrent twee jaeren en een half ghele-
den / hem begheuen heeft wt den lande van Bourgoignen / indē lande van
Luxemburch / al waer hy hem begheuen hebbende in dienste vande Se-
cretaris des Graue van Mansfelt Gouverneur / aldaer afghedzucht
heeft sekere groot ghetal van des Graue van Mansfelt pitzier zeghe-
len / hebbende oock gheleert contrefeyten de onderteekinghe van des
seluen Graue van Mansfelt / Om met behulpe van dien / acces te ma-
ken inden Houe des voornoemden Prince van Oranien: welcke sijne
voornemen hy bekend heeft / in Martio voorsz. / schijstelijcken binnen
der stadt Doornick te kennen ghegheuen te hebben den Prince van Bar-
ma / de welcke door sijnen Raedtsheere Christoffel d'Assonleville daer toe
ghecommitteert / met hem ghevanghen daer op in communicatie ende on-
derhandelinge ghetreden zijnde / hem ghevangen toegheseyt heeft / dat in
dien hy sijn voornemen wiste te volbrēghen / ende den Van ofte Proscrip-
tie van den Coninck van Spaignien teghen den persoon vanden Heere
Prince van Oranien wt ghegheuen ter executien brochte / dat den Co-
ninck van Spaignien hem soude voldoen / t'ghene hy by de sententie hou-
dende onder meer andere poincten de somme van vijfende twintich duysent
ducaten toegheseyt ende beloest heeft / Ende dat hy ghevanghen met
den selue Assonleville beraedtslaecht hebbende op t'volbrēghen vā t'voorsz.
seyt met hem besloten heeft / dat hy ghevanghen hem herwaerts ouer int
Hof vanden voornoemden Heere Prince soude begheuen / noemende hem
Fransops Guion / een sone van Pieter Guion / eertijts Borgher van Be-
zancon / de welcke eertijds omme de Religie omghebracht soude sijn met
confiscatie van goeden. Ende dat hy ghevangen onder het schijnsel dat hy
van jongs op de Religie soude toeghedaeen sijn / en omme de selue sijn ou-
ders ende goeden verlozen soude hebben / met alsulckē vervalschen name /
ende met de voorsz. afghedzuchte pitzier zeghelen ende ghecontrefeyte
onderteekeninghen des Graue van Mansfelt toegauch inden Houe des
voornoemden Heere Prince van Oranien soude maken. Volgende welcke
beraedtslaechde opset hy ghevanghē alhier int Hof vanden voornoem-
den Heere Prince van Oranien ghecomen is / ende sijnen naem verval-
schende / hem ghenoecht heeft Fransops Guion / ende sulcx int Hof vā den
voornoemden Heere Prince van Oranien ghecomē zijnde / hem verbrooz-
dert heeft op den neghenste deser maent te coopen twee pistoletten oft cozte
cinck-roers / ende op den thiensten deser / op den noen verspiet hebbende int
Hof / dat den voornoemden Heere Prince van Oranien int salette ter ta-
felen gheseten was / hy ghevanghen ghedaen is in sijn logement / ende die
twee

twee cinck-roers gheladen hebbende/ het eene met dyse/ en het andere met
 twee loden ofte balen/ weder int Hof ghegaen is / hebbende de twee cinck-
 roers hanghende aen synen riem op syn cincker syde onder synen mantel/
 latende synen mantel van syn rechter schouder neder hanghen / op dat hy
 niet en soude schynen yet onder synen mantel gheladen te hebben/ ende dat
 hy den voornoemden Heere Prince comende van der tafel / ende wt het sa-
 lette gaende omme de trappen op te treden naer syn camer/ het een cinck-
 roer oft pistolet met dyse loden oft balen gheladen / op den seluen Heere
 Prince afghegeschotē heeft/ van welke schoote dē voornoemde Heere Prin-
 ce (ten grooten leedtwesen van allen goeden Patriotten) ghestozuen is.
 Welc wesende een valsch verradisch seyt / bedzeuē in den persoon van al-
 sulcken personagie als den voornoemden Doozluchtighe Doochghebo-
 ren Doyst/ den Heere Prince van Ozaignien hoogher memozen gheweest
 is/ niet en behoort onghestraft te bliuen/ maer ten exempelē van allen an-
 deren seer rigozeuselijcken behoort ghestraft te worden.

Soo ist dat mijnen Heeren de ghecommitteerde vanden Hooghen ende
 Provincialen Raeden/ ter examinatie ende indicature vanden doozsz ghe-
 vanghe/ beneffens dē Heere van de gherechte deser stadt ghecommitteert/
 ende mijnen Heeren de Schepenen deser stadt wel ende rypelijck ouerghe-
 wegghen hebbende de confessien vanden doozsz ghevanghen / ende alle het
 gheue in desen te considereren stondt / den voornoemden Baltazar Ghee-
 raerts ghevanghen ghecondemneert hebben/ ende condemneren hy desen/
 ghelept te worden op t' schavot alhier vooz t' stadthups opgherecht : Om-
 me aldaer eerst zijn rechterhant/ daer hy het voozsz verradisch moordadi-
 ghe seyt mede bedzeuen heeft/ met een gloepende toeluptende pser geschro-
 pet ende afghebyzant te wordē/ ende dat daer naer met gloepende tanghen
 tot ses repfen ende verscheppen plaetsen soo aen aermen/beenen/en t' gheen
 daer sijn lichaem meest met vleesch becleedt is/ het vleesch wtgebyzant ende
 af ghenepen sal worden / ende dat hy daer nae leuendich aen vier quartie-
 ren ghehouden sal worden/ beghinnende van onderen/ ende ten laetste hem
 den buick opghesneden/ ende sijn hert wtghenomen / ende in sijn aensichte
 gheworpen/ ende daer naer sijn hoofd afghehouden sal worden : Ende dat
 sijn vier quartierē op de Bollewerckē van der Haech-poorze/ Oost-poor-
 ze/ Ketel-poorze/ende Waterlootse-poorze deser stadt wt ghehangen/ende
 sijn hoofd op dē School-toorn / achter het logement des voornoemde Hee-
 re Prince op eenen staeck ghestelt sullen worden : Verclarende alle sijne
 goeden gheconfisqueert / ten profijte vanden Heere. Aldus ghepronon-
 cieert op t' stadthups der stadt Delft / den veertiensten dach July / Anno
 vijftienhondert vierentachtentich.

Ende was onderteeckent

A. vander Meer.

C. g.

Des byp.

Des bypdaechs den dertiensten bander maent / wert hem de wete ghedaen van zijn bonnisse/ten eynde dat hy hem soude bereyden om r'sanderdaechs te steruen. Hy was metten eersten seer verbaest / verbloeckende dat hy opt binnen Dole de practijcke ghelcort hadde/ende dat hy wel hadde ghewilt/gheweest te hebben een arm ambachtsman/soo en soude hy in sulcken onghewalle niet gheballen hebben / ende beclaechde hem / van dat hy moest steruen/niettemin nae dien hy de dwaelsheyt hadde bedreuen dat hy oock den last moest draghen / ende wert de selue Gheeraert r'sanderdaechs gheexecuteert/ houdende ende toonende een cloeck ghelaet totter doot.

De mare heeft haer terstont verbruyt in alle de steden die de sijde banden byant hielden: Maer geen van alle het oorlochs-volck toonde eenich ghelaet oft teecken van blyschap / verbloeckende alle ghelijck alsulcken seyt / in voeghen datter een van henlieden met luyder stemmen seyde voor alle de soldaten vā zijn garnisoen/wesende inde schanse voor Zutphen/ende sprekende teghen het crijchsvolck van deser sijden/ die in de loop-schansen waren / als dattet een schelms seyt was/ende eenen schelm die sulcx volbracht/geraden/ende beuolen hadde/ al waert zijnen Coninck selue. Ende so de Priesters in veel steden byeren wilden van blyschap/r'ghemeynte en heuet niet willen ghedooghen/dwelcke alsulcken seyt verbloecte: in voeghen dat de Canoniken van r'Sherdoghenbosch/ siende dat sy sulcx niet en mochten vercrijghen/so zijn sy nochtans by een vergadert inde Domkercke / waer dat sy songhen Te Deum laudamus: ende des auonts daer naerbolgende/is daer een schrickelijck onweder opghestaen van donder ende bliemen / die op de selue kercke is gevallen/ en verbrant heeft/sonder eenich huys vander Stadt te beschadighen.

Des bypdaechs den derden dach van Oogstmaent naestvolghende/wert den voorselden Prince begrauen: Ende hoe wel dat hy in zijn leuen altyts versocht hadde/darmen hem soude begrauen sonder groots costelijcheyt ende staet/soo hebben hem nochtans de Staten van Hollandt/Zeelandt/Vriesslandt ende Wtrecht/ een Heerlijcke begravinghe gedaen/die zijnder byomicheyt ende hoocheyt weerdich was/ende dat om de ghedenckenisse van sijn hooghe seypen/ende aenghenamediensten die hy de selue landen gedaen hadde/het welcke heeft geweest het laetste werck van bermherticheyt/aen het lichaem van alsulcken/ende soo sonderlinghen persooen/verwachtende het oordeel dat Gode sal ghelieuen te doen ouer de gene die voortstelders ende beleyders sijn van sulcken saken / hopende dat God/volghende zijn rechtheerdicheyt/ alsulcken seypen die soo boos en schadelijck zijn/nimmermeer en sal laten onghestraft.



